

141* Fu posto, per li Consieri Cai di XL e tutti i Savi, che a sier Anzolo Michiel, qual ha mandà in Candia uno alboro fornido per bisogno di la sua nave, non sia astretto a pagar dacio, et il pegno l'ha datò li sia restituito.

Item, fo azonto *etiam* a Andrea da Canal non sia astreto a pagar *ut supra* di arbori et gomene pezi 4, tavole 300 et soalari 10 per la soa nave fata in Candia. Fo balotà do volte. Ave la prima 100, 8, 2, la seconda 175, 19, 15.

Fu tolto il scurtinio di do oratori all' illustrissimo signor duca di Mantoa justa la parte, e tolli *solum* 5, sier Gasparo Bembo el dotor di sier Alvise, sier Alvise di Cavalli fo cataver qu. sier Sigismondo, sier Zuan Lippomano fo camerlengo a Bergamo qu. sier Hironimo, sier Polo Trun di sier Santo, et sier Zuan da Leze di sier Priamo cao dil Conseio di X, et visto per il Serenissimo la poliza et tre Consieri considerando questi tolli è zoveni e il duca di Mantoa l' haverà per mal, però Soa Serenità con 3 Consieri voleano meterli di elezerli con pena, et mandato a dir a li Savii si voleano intrar in oppinion, i qual non volseno, et Soa Serenità non volse metter la parte ma fo mandà zoso il scurtinio.

Electi 3 reformadori sopra i Statuti con pena justa la parte.

Sier Sebastian Foscarini el dotor fo al luogo di procuratori, qu. sier Piero	89.128
† Sier Alvixe Gradenigo savio dil Conseio, qu. sier Domenego el cavalier	128. 90
Sier Andrea Mocenigo el dotor fo avogador di comun, di sier Lunnardo procurator, fo dil Serenissimo	44.167
Sier Gabriel Venier fo avogador di Comun qu. sier Domenego	48.169
Sier Francesco Donado el cavalier fo savio dil Conseio, qu. sier Alvise	93.119
† Sier Marin Zorzi el dotor fo savio dil Conseio, qu. sier Bernardo	131. 84
† Sier Marco Dandolo dotor e cavalier savio dil Conseio, qu. sier Andrea	124. 92
Sier Gaspero Malipiero savio dil Conseio qu. sier Michiel	102.113
Sier Mario Morexini fo avogador di comun, qu. sier Polo	91.118

Sier Alvise Mocenigo el cavalier fo savio del Conseio, qu. sier Tomà 86.133
non Sier Daniel Renier savio dil Conseio qu. sier Constantin, per farsi in so loco.

Fu posto, per tutto il Collegio, essendo zonte in Histria e venute a disarmar sier Zuan Justinian e sier Zacaria Grimani state in Cipro et si aspecta sier Zacaria Barbaro et sier Giacomo Darmer, e atento la relation di sier Hironimo da Canal, stato viceproveditor in armada, le galle sono benissimo in ordine e tutte 4 interzade, per tanto sia preso che le dite 5 galle restino ancora fuori per qualche mexe, e sia mandato sovencion per sopracomito ducati 1000 et page 6 a le zurme per galla et a li do soracomiti stati in Cipro, Zustignan et Grimani, qualli hanno avuto danari in Cipro li siano mandati *solum* ducati 500 per uno, et a le zurme page 4, e atento hanno galle bastardelle li siano date galle sotil, et che sier Almorò Barbaro qual ha patito nel conflitto vengi lui a disarmar *ut in parte*. Ave 161, 11, 4.

Fu posto, per tutto il Collegio, poi leto una supplication di Anzola di la Sorda et Marin suo fiol da Trani fidelissimi nostri, qual è ruinati per causa di esser stati nostri svisceratissimi et hanno perso la sua facultà: per tanto li sia dato ducati 5 di provision per uno, a page 8 a l' anno, dil sorabondante di la limitation di stratioti, li quali siano mandati sopra le camere e li siano pagati di tempo in tempo fino habbino uno officio *ut in parte*. Ave 173, 9, 10.

A dì 29. La matina non fu lettera alcuna da 142 conto, li Cai di X stetenno longamente in Collegio per

Da poi disnar fo Conseio di X con Zonta. Ma prima nel semplice feno li capi per il mexe di zener: sier Tomà Contarini, sier Marco Cabriel et sier Andrea Vendramin, tutti tre stati il mese passato.

Fu posto, per li Consieri et Cai, la gratia di Andrea Fazuol hostiario di Collegio che fu posta un altro Conseio et non ave il numero. Ozi ave 12 et 6, vol aver

Fu con la Zonta poste molte parte particular non de importantia.

Fo leto *lettere di Cipro di sier Marco Antonio Trivixan luogotenente et consieri, di 12*